



# अक बूँद आंसू रो तरपण

( राजस्थानी भाषा की काव्य-रचना )

सत्य दीप

**GIFTED BY**  
Raja Ramprasad Roy Library Foundation  
Sector 1 Block DD - 34,  
Salt Lake City,  
CALCUTTA 700 064



प्रकाशक

नवयुग ग्रन्थ कुटीर

कोट गेट, बीकानेर

सुनील सक्सेना  
एम. ए. (अंग्रेजी साहित्य)  
प्रकाशक  
नवयुग ग्रन्थ कुटीर  
कोट गेट, बीकानेर

कापीराइट प्रकाशकगर्भिन

प्रथम संस्करण  
1985

मूल्य 35.00

नीटज सक्सेना  
एम. ए. (अंग्रेजी साहित्य)  
मुद्रक  
गणराज्य प्रिन्टिंग प्रेस  
कोट गेट, बीकानेर

---

EK BOOND ANSU RO TARPAN ( POETRY ), WRITTEN BY SATYA DEEP, PUBLISHED BY NAVYUGA GRANTHA KUTEER, KOTE GATE, BIKANER ( RAJASTHAN ) INDIA, PRICE, RS. THIRTY FIVE ONLY, FIRT EDITION 1985. COPYRIGHT WITH PUBLISHER.

सम्पर्ण

घणें मान

भाई जी श्री श्याम महर्षि

नै

जिणा रें दिखायोडें ररते

घालण सारू पेंडो गुरु करू यो ।



## आमी-सामी दो बात

"एक ब्रंद ओसू रो तरपण" पैली काव्य रचना आपरें सामी राखतां थकां घणो हरख हुय रेंयो है। महाभारत रें सगला पातां री न्याटी-न्याटी निज् चिन्नेषतावां रेंयी है, पण अके पात्र पतो नीं वय् दबाईजतो रेंयो ? सगला इन्याच वो आंख सूं देखया, पण उणनें चुप रेंदणो पड़्यो। जद इण रचना नें सिरजणो शुरु करयो तो ओ'ई जी मे रेंयो के करण रें अंतस रो अमूजो आं आखरां मे नीं हुयसी तो किण मे हुयसी ?

मां री गलती वेटा भुगतें—  
आ' उलटी रीत समाजां री।  
हक जद-जद वेटो मांगे—  
वय् बंद कड़ी दरवाजां री ?

आ'ई मूल भावना इण रचना री सिरजणा लारें रेंयी, इण मे विटो र.प.ल रेंदो आ'तो आप ई आंक सकौं—मै नीं।

इंण रचना टी सिरजगा मे जाण्या-अगजाण्या  
जिता ई साध्यां टो सेंशोग रेंवो, वां टों म्हें अंतस  
सूं करजाल्, हूं, विशेष तोंट सुं भाईं चेतन स्वामी,  
मदन सेंनी, मालवंद तिवाड़ी, बजरंग भर्मा, अं'ट  
सिंगली दीप-सिखा पटिवाट टो सेंशोग अट प्रेरणा  
भूलण जोग नी हें ।

इणी साथें  
सत्य दीप

अंक  
बंद  
आसू  
श  
करणा





१.

जद जीवन-भार संहयो कोनी  
मंतर रो गाभो अदी, परो-  
कुंता बुलाय लियो सूरज नें  
आवो थै म्हासूँ मोद करो ।

२.

सूरज भी टाळ सक्यो कोनी  
जोवन री-जवर बुलावण नें  
वो आ. पूग्यो तुरतां-फुरतां  
कुंती संग मोद मनावण नें ।

3.

वै काम-कळा में हुय आंघा  
डूव्या रैया कंठां ताई  
जद ज्वार ढळ्यो कुंता चेती,  
सूरज न्हाट्यो ले अंगड़ाई ।

४.

पण लोक रीत नें तोड़ परो  
वो काम अक अबढो करग्यो,  
कै प्रीत-पग्योड़ो मद-गैलो  
कुंता री कोख 'करण' धरग्यो ।

५.

चिन्ता री चित्ता चढ़ कुन्ती,  
सिगळी सिलगै, पण कूख बदे  
जेडो औ काम हुयो म्हासूँ-  
कोई ना कीज्यो और कदे ।

६.

चिन्त्या करनें वापू बोल्या-  
'तू जग में कौभी लागैली  
कुन्तो औ काम कर्यो का'ली  
बिन व्यायां वेटो जामैली ।'

७.

पण, राज-तेज रो ले स्सारो,  
राजा दववादी सिगळी वात  
उतर्यो जद घरती 'सूर-तेज'  
नाकै कर 'दिन्यो रात्यु'-रात ।

८.

इतियासां वात लुकी न लुक-  
श्री वात कथीजै का'णी में-  
लोक-लाज ममता-मारी,  
मां 'जिलफ' बंगायो पाणी में ।

९.

मां री गळती वेटा भुगतै,  
आ' उल्टी रीत समाजां-री  
जद-जद हक् वेटा मांगै,  
क्यूं वंद कड़ी दरवाजां-री।

१०.

वैतां देख्यो जद पाणी में  
नान्हो-सो जीव-जवर रोतो  
तद कौरव-सारथि चिमक पड़्यो  
हो पाणी सूं मुंहडो धोतो।

११.

बो, ले पाणी सूँ पसवाड़ै  
उणनँ हियँ लगायो हो  
खुद रो ईज लोही जाण लियो,  
नीं जाण्यो कदै परायो हो ।

१२.

मां अक ईन्नँ देखो कुन्ती  
लोही नँ परै बगा दीन्हो  
पण, ममता-मूरत मां राधा,  
तद दूध पाय मोटो कीन्हो ।

१३.

मां अक कर्म सूं वंधियोड़ी  
सुत समदर-छाती धर दीन्यो  
मां अक धर्म सूं वंधियोड़ी-  
सुत अमर जगत में कर दीन्यो ।

१४.

बो करण, ज्यूं जोड़े रो पा'णी  
खा-खा फटकारां जाय नितर  
रिध रोही रो बघतो खेजड़  
खा तेज ताव पाणी पत्थर ।



१५.

काची कूपळ वध विरछ वण  
अर दिन-दिन-दूणो वधतो जा  
त्यूं छोटा पग, मोटा गाता-  
वो, टैम-निसरणी चढतो जा ।

१६.

परा हिवडै, हुमकै हूक जवर  
तू किण विध जग में आयो है,  
मसता तक मिली उधार तन्नै-  
तू नौं : राधा रो जायो है ।

१७.

हिवड़ै सूं दरद उमड़ पड़तो,  
जद कद अकलपो वो होतो,  
भीतर सूं बळतो काळजियो,  
सिगळां सू श्रीलै वो रोतो।

१८. "

सूरज रो तेज बध्यो जावै,  
'पकड़्यां' राधा रो आंगळियां,  
इए ममता रो छैड़ो काई,  
जिएं छियां करी बए बादळियां ।

१९.

खेलण में आगीवाण रह्यो,  
सरदारां नाम धर्या करता,  
वचपन पळर्यो ज्युं तावेड़ियो,  
छोरा संग खेलण सूं डरता ।

२०.

उमर जद खेलण री बीती  
तद चोखी सीख सिखावण नै  
बापू वेटे नै ले आया  
राजा रा मैल दिखावण नै

२१.

मै'ल जोय नें हरख्यो करणो,  
अंतस में सूरज-सो ऊग्यो,  
क' भटक्योड़ो, पू'न चढ्योड़ो,  
सही ठिकारै आ-पूग्यो ।

२२.

जाणणिया अणजाण बणया,  
ममता सूं आंख भरी कोनी,  
चैरो देख'र पण चुप रैया,  
कोई पिछ्छाण करी कोनी ।

२३.

पंछी भी टावरिया .. पोखै,  
चांचां में चुगो न्हाक-न्हाक,  
पण म्हें निरभागी नैं सै . भूल्या,  
करणो कै आ बात सांच ।

२४.

दरबार भर्यें में जद पूग्यो,  
भीषम हीरें रो गुण आंख्यो,  
सुविंवावा सगली दे दीन्ही,  
नैं . राजपुत्रा साथै राख्यो ।

२५.

सीखण में पाछ नहीं राखी,  
विद्यावां सै करणों पढ़ग्यो,  
अरजन रै वरछ्यां-सी गडगो,  
जद करणों रो रतवो बढग्यो ।

२६.

जद राज-सभा में 'परख' हुई,  
सैगां सूं करण रह्यो आगै,  
रीसां बळतो बोल्यो अरजन,  
नीं जूझूं नीच जात सागै ।

२७.

तड़क माथे में बल पंङ्ग्यो,  
हिवड़े में दरद उमड़ आयो  
जद काम-करण में म्हें आगे,  
तद 'जात-रोड़ो' क्यू अटकायो ।

२८.

पसवाड़े जाय'र बैठ गयो,  
कर नीची दूँण युवक भोळो,  
बस नख सूँ धरती नै कुचरे,  
ही निरादृत चैरो घोळो ।

२९.

सुयोधन हाथ पकड़ बोल्यो,  
उठ, हिवड़े-नेड़ो भ्राजा तूं,  
मत कर संताप ओछैपण रो,  
वण अंग देस रो राजा तूं ।

30.

हेटं उत्तरयो सिंघासण सूं,  
हाथां सूं मुकुट पैरायो हो,  
सुयोधन बांध भरी श्रैडी,  
भाई, ज्युं मां रो जायो हो ।



39.

धृतराष्ट्र राख्यो भेद नहीं,  
पाळ्या बरोबर दोन्यां नें,  
सौ सिरखा पांचा नें समझ्या,  
पण, पत राखी कोई ना वै ।

32.

पाहूँ ई अंटियोड़ा रैता,  
कोरव नें देख काढ़ता कूट,  
विना वात पड़ता बाध्यां,  
बाळ्या घर, आ'घर री फूट ।

33.

नित राख्या करता राड़ करी;  
नीं राख्यो आपस में ओको,  
भाई भायां पर दूट पड़्या,  
म्हाभारत राड़ मची देखो ।

34.

जायो कुरा पाळ्यो कोई,  
मनें चाये थे कीं कैल्यो,  
हूं तो इंग्ग में संतोप करूं,  
आभो पटवयो धरती भेल्यो ।

3५.

हूं भी तो कुन्ती जायो हूं,  
क्यूं उणा म्हने छिटकायो है,  
मां री ममता क्यूं-फांट पड़ी,  
नीं कह्यो-“इन्नें म्है जायो है।” .

3६.

वे सिद्ध, पुरुष बाजै अकरा,  
के सरम बाँरै मुंहडै मांही,  
इकडंकियो बजावै आभै तक,  
पण अक वात बोलै नांही ।

39.

हं मुग्धो पत्नी द्रव्य कानां मे,  
कं रगत दानो रंयं कोनी,  
पण, किणु साज रं भय मूं थं,  
महोदर म्हनं रंयं कोनी, ।

36.

यं देनो म्हनं गळफांस समभ,  
नेणा मूं परं चगा दीन्यो,  
पण घां गी कियं भूतूं ममता,  
धं हिवद्धं म्हनं नगा लीन्यो ।

३९.

मैं दानी दिन उगावूँ हूँ,  
नित-रोग सदा मरण सोनें सूँ,  
पण बिलखूँ ममता 'रे' ताई,  
हिरणी बिडरायै छौनें ज्यूँ ।

४०.

हो जौर थोड़ो, गुस्सो ज्यादा  
पांडू किस्या बळशाली हा  
नीची नाड कर्यां वैठ्या  
अद हार गया 'पंचाली' हा

४१.

वैती जै आ म्हारै घर सूं,  
म्हं वात कहूं हूं याने सांच,  
हूं मर-मिट जातो उंगु खातर,  
पण रती न आती उंग पर आंच ।

४२.

इतियास उणां लिखिया देखी,  
म्हनें 'लागे आ' खारी वात,  
वेचै. हाथां सूं इज्जत नें,  
: जद, वीर पेरले चूड़्यां हाथ, ।

४३.

अभिमन्यु कौरव मार्यो हो,  
आ' खारी वानें लागो बात,  
भीसम री मौत कियां हुई,  
आ छिपी पड़ी है किण सूं बात ?

४४.

जद रण सूं पार पड़ी कोनी,  
द्रुपदा ले गई भेद री बात,  
हिंजडें री ओट लेय वीरां,  
कर दीनी भीसम री घात ।

४५.

जद राज रैयो हो वारो तद,  
इतिहासां वात लुका लीन्ही,  
पाण्डव दळ रै कुलछित करमां री,  
बात कंवै कुण अणचीन्ही ?

४६.

ढकल्यो दोलडै गाभा सूं,  
पण तर्क करण रो नाचैलो,  
खुल ज्यासी खिड़क्यां अंतस री,  
जद आ' पानां नै वाचैलो ।



४७.

जद जुद्ध में जाय द्रोण भिड़यो,  
पांडू-दल छाग्यी मुंरदांनी,  
वीर काट, पाटी धरती,  
हाथां सूं निसर गयो पाणी ।

४८.

जोधो वो जूझ्यो हो इसड़ो,  
पाण्डू से हुयग्या चितबंगा,  
लुंकरण ने ठोड़ नहीं लहादी,  
प्राणां रा मोल हुया मैंगा ।

४९.

हो वीर पुरुष गुरु द्रोण इस्यो,  
जद भर्यै मैदानां लड़तो हो,  
स्थापो-सो कर देतो इसड़ो,  
ज्यूं सिंघ भेड़ां मै वड़तो हो ।

५०.

सतं-जुद्ध सूं पार पड़ी कोनी तद,  
पांडू बिचारी मन में खोट,  
भूठ बोलग्यो घरमराज,  
हाथी री लोन्ही वीर मोट ।

५१.

जद अश्वथामा री मौत सुणी,  
गोडां री सित्या हट गई-  
सौ डील मंल दियो सैकारो,  
जोगां री आसा हट गई।

५२.

पण छोड़ी नी जुध-भूमि बो,  
जुध करणां ताई डट्यो रैयो,  
ल्हासां-ही-ल्हासां कर नाखी,  
धरती भी भार नही सैयो।

५३.

आखर कद तांईं देवें साथ,  
जद घनुष हाथ सूं छूट गयो,  
आंधी-सो छाईं अम्बर में,  
वजतो इकतारो टूट गयो ।

५४.

वो वीर खूटग्यो वीरां ज्यूं,  
नीं मौत द्रोण री दुखदाई,  
कर घात गुरू नें वै मार्यो,  
पण बांनैं लाज नहीं आई ।

५५.

चेलां री देखो चतराई,  
गुरु मार गंगा-सा न्हा लीन्या,  
पण बाँरो जमानो अकरो हो,  
पानां इतिहास लुका लीन्या ।

५६.

करणां डंक री चोट कँवै,  
कुण तक म्हारलो काटँ लो,  
हिवडँ में दरद उठँ इतरो-  
कुंण आय साथ में बाटँ लो

५७.

महाभारत जंग जम्यो कोनी  
सं वीर मार दिया घोखें सूं,  
किरसण सूं बुद्धि ले पाण्डू  
आ हांग फाड़ दो डोकें सूं ।

५८.

सूंप्यो ही राज सम्हाळण नै,  
मांग्यो तद आंख्यां तण बैठी,  
ज्यूं छा मांगण नै आयोड़ी,  
आ के घरआळी बण बैठी ।

५९.

वै राज ताईं आंधा हुयग्या,  
जुध-बिन तद कोई चारो नी,  
कौरू -पाण्डू में फरक कितो ?  
लोही सूं लोही न्यारो नी ?

६०.

पण खून होठां सूं लाग्योड़ो,  
पांडू तो पाछ नहीं राखी,  
पाछो जद मांग्यो राज जणां,  
महाभारत राड़ मचा नाखी ।

६१.

सैं वीर मार दिया धोखैं सूं,  
कर ल्हास, राज सूं के-लेसी ?  
करणे नैं लागी आ' चित्या—  
आंधे नैं खांधो कृण देसी ?

६२.

जर-जमीन अर जोरू नैं,  
जद पाण्डू हारी जूवै में,  
पावण नैं राड़ मचा नाखी,  
आदर्श न्हाक के कुवै में ।



६३.

छिपी हुई है किये सूँ बात,  
'जूबै' रो नाम सदा धोखो,  
पाण्डू के पाछा कर देता,  
जद जीतण रो मिलतो मौको ?

६४.

हो काम गळत दुस्सासन रो,  
बीरां उणनें क्यूँ सैण कियो ?  
द्रुपदा ने लाज नहीं आई,  
जद 'कुरु' ने कड़वो बैण कैयो ।

६५.

कंती नै लाज नहीं आई-  
'आंधा आंधै नै जायो है'  
वो द्रुपदा रो हो बड़ो जेठ  
अर अभिमन्यु रो तायो है ।

६६.

ओ ईज दुख अंतस में गैरो,  
जिएण सूं तड़फ्यो सिगळी रातां,  
म्हाभारत राइ नैं जलम दियो,  
बस, द्रुपदा रो कड़वी वातां ।

अक घूँद आँसू रो तरपण / ४१

६७.

किण नें क्यूं वात कँवै दौरी,  
औ ध्यान राखता पैलां वै,  
भाटो नीं कदै मार्यो जावै,  
बैठ काच रै मैला में ।

६८.

चिमक पड़्यो सुयोधन जद,  
समझ काच, पाणी-नाळो,  
गळगट्टी खाय पड़्यो इसड़ो,  
लोही रो वैय गयो वालो ।

६२.

द्रुपदा रो सुप्यो चूठियो जद,  
पाण्ह मुळक्या मन-ई-मन में,  
वेरछी ज्यूं मुळको जाय खुभ्यो,  
सुयोधन रं अंतस-मन में ।

७०.

म्हाभारत इण वं ठण वैठ्यो,  
साही लोही री पाटण नं,  
पाण्ह वाही खेती हंस के,  
पाछा क्यूं सिरकं काटण नं ?

७१.

धन-धरती      री      भूख-वश,  
बूढ़ां पै बाण उठा लीन्या,  
कुल-घाती वण नें पाण्डू सैं,  
धरती सूं वीर उठा लीन्या ।

७२.

पंण, बां'रा इतिहास पानां,  
बां'रा ई सैं गुण गावैं,  
बडका मारयां पाप कित्तो,  
इंण नैं कूंत किसो पावैं ।

\*४ / ओक वूद आसु रो तरपण

७३.

जद द्रोण खूट्या जुध-भूमि में,  
सुयोधन री कापी छाती,  
चै'रो हुयग्यो इसड़ो घोळो,  
ज्यूं तेल सूवयां धुकज्या वाती ।

७४.

मंभधार खड्यै कौरव-दळ री,  
पतवार क्रूद नें सामें कुण,  
रण-ज्वाला में जूभरण सारू,  
वीड़ो हाथां में थामें कुण ?

७५.

सुयोधन थारो साथी म्है,  
मत दूजँ रो तू आसा तक,  
साखी रैसी 'सूरज' म्हारो,  
लड़सूँ छेवटली सासां तक ।

७६,

खड़क्या तासा, फड़क्या बाजू,  
चैरो हुयग्यो लोही-भरणो,  
मदमातो शेर-समर घुसज्या,  
सूँ जुध में जाय भिड़्यो करणो ।

७७.

तेग, तीर, भाला चाल्या,  
आभै में आंधी-सी आ'गी,  
हुयग्यो किरसण भो धोळो घप्प,  
अर, अरजन नें चिंता लागी ।

७८.

कट-कट कटनें पड़े हाथी,  
गुड़ता छोड़ लिया हिणकारै,  
म्हाभारत जुध रा दोग मजा,  
भाई पर भाई असि मारै ।



७९.

हूँकार्यो शेर-सो जुध में जद.  
भिड़तो ई पल्ट नाखी बाजी,  
अरजन रो मद तोड़-साड़,  
कर दी फोकी तीरंदाजी ।

८०.

गिरज उडै, गादड़ कूकै,  
भरै, पेट मर्या-मां-जायां सूं,  
कट्यां पछै देखो मिलर्यो,  
लोही भायां रो भायां सूं ।

रो पवको रजपूती वो,  
-तण नें खड़ग इसी मारै,  
लड़तो-सो आगे भाजै,  
छिटक पड़ै कटनै लारै ।

८२.

तीरां सूं आभौ ढक नाख्यो,  
लोही री बाढ़ां-सी आई,  
रण-चंडी छणक-छणक भाजै,  
खप्पर लोही रा भरण-ताईं ।

८३.

जुघ री हालत देख परा,  
मुरदानी पाण्डू-दळ छा गी,  
जुभरण में डर इसड़ो लागी,  
ज्युं जरख चढी डाकण आगी ।

८४.

पळकी खडगां जद इन्नै-उन्नै,  
हो माळो च्यानणों सूरज रो,  
जुघ में सै री आंख्यां चढगयो,  
धन्न सूस्पूत बो सूरज रो ।

८५.

चुग-चुग जद मार्या महाबली,  
घरतो सूनो-सो कर दोन्ही,  
पाण्डव-दळ माच्यो खरळाटो,  
आ क्यूं हुय री है अणचीन्ही ?

८६.

इकडंकियै राज रै सुपनै नै,  
भूठ करण कर देवै लो,  
ल्यो, वीर हारग्या नौकर सूं,  
इतियास नाम ओ' देवैलो ।

८७.

खतरो माथै जाण परो,  
पूत मनावण कुंता चाली -  
क्यूं आज खुली आंख्या थारी,  
पैलां कुण-कोई तन्नं पाली ?

८८.

बां पूतां सिरखो पूत हो म्है,  
आ - गळती सिगळी थारी हो,  
जद - खून थारलो म्है असली,  
हिवडेंसूं क्यूं तूं न्यारी ही ?

८९.

मां बोली- “बेटा कीं कैलै,  
वस आज हियो थारै कोनी,  
पण बात म्हारली मान इत्ती,  
भाई, भायां नै मारै नीं ।”

९०.

जो लोक-लाज सूं ही भूल्यां,  
वो कुंती ज्ञान सिखावै ही,  
बेटों कह, अबढो न्हाक परो,  
खायोड़ो लूण विकावै ही ।

९१.

परा मिनख परां उणरो असली,  
रजपूती आण ऊपर डटग्यो,  
लडस्यूं तो म्है इणां साथै,  
उण मां नें भी वो खट् नटग्यो ।

९२.

खुद थे तोड़्या बंधन म्हा सूं,  
साथ कियां हूं जावूँलो ?  
अँ घाल्यो लूँण म्हनें जितरो,  
हैं उण रो मोल चुकावूँलो ।

९३.

पण बात अक म्हें कँवूँ तन्नं,  
इण नें सीळानां मान सांच,  
अरजन खपै, कें म्है मरग्यो,  
पण, पूत रेवैला तेरें पांच ।

९४.

वस बांध हियो रैज्या काठी,  
म्हाभारत जद मिट जावैलो,  
दोन्या माय बच्यो वेटो,  
घर लौट धारलै आवैलो ।



९५.

ही, मीत छिपी जिण वाणां में,  
कुंता मांग्या वै पांच वाण,  
सा' लाज न्हाख दी कूवै में,  
नीं दियो जरा हियै नैं ताण ।

९६.

जद कुंती रा बोल सुण्या,  
दानी री परख घड़ी आई,  
वेटे सूं 'पूत' बचावण नैं,  
वै पांच वाण वा' ठग ल्याई ।

२७.

वो वीर परखग्यो धोखे नें,  
दे बाण मुळकियो मन-मन में,  
ले मौत विरी चाली कुंती,  
पर दया नहीं निपजी मन में ।

२८.

मां री ममता में फांट पड़ी,  
पण, करणों सोच कर्यो कोनी,  
मौत सूंप वैरी-हाथां,  
वो वीर चिन्हो-डर्यो कोनी ।

९९.

फेरुं ई जाय भिड़्यो रण में,  
वो वीर लड़े हो वीरां ज्यूं,  
लड़तो सूरम-ज्यूं लाल पड़े,  
त्यूं पड़े उकळत खीरां ज्यूं ।

१००.

डगमग-डगमग डोली नैया,  
पाण्डू सिगळा भरै उसांस,  
पार 'करण' री पाणो अत्रढो,  
कुंण आय'र बंधवावै प्रास ?

१०१.

खम ठोक लड़ै रण-भूमि में,  
धरती माथै आ ज्या भूचाळ,  
मदवै हाथी-ज्यूं लागी हो,  
करणें रो चैरो विकराळ ।

१०२.

लड़तै घोड़ां री टापां सूं,  
पूगी खंख अकासां ठेठ,  
ल्हासां सूं धरती पट दीनी,  
रण-चण्डी री भरबां पेट ।

१०३.

करणै रै मन आ' ही वस रो,  
वचनां लारै देणां प्राण,  
ज्युं उकळ्यो दूध उफाणा मारै,  
त्युं भूम-भूम के मारै वाण ।

१०४.

सीध-साध नै मारै तीरिया,  
घोफेरुं मार्चै सू-साट,  
चक्कर-घिन्नी चढ़ज्या चैरा,  
सुणातां ही वांरो सरणाट ।

१०५.

पाण्डू-दल री करणे रं डर सूं,  
हुय रैयो आ' हालत आज,  
सांडा ज्यूं गेले नें भूलें,  
पकड़ण नै जद उतरै बाज ।

१०६.

अरजन री मद तोड़ण खातर,  
वार करै अकै-सांस,  
मार तीरिया मारग रोकै,  
जद-जद किरसण मोड़ै रास ।

१०७.

अवढ़ी मार पड़ी जद जुध में,  
भीयँ जी रा गोडा टिकग्या,  
दो-वर धरती तोलणियँ नँ,  
दिन धोळ ई तारा दिखग्या ।

१०८.

जँ चावै तो मार सके हो,  
जुध में बली भीम नँ आज,  
पण, कुंती नँ वचन दियोड़ा,  
करण राख ली उण रो लाज ।

१०९.

मद तोड़ बली भीयें रो चाल्यो,  
भर्यै मैदानां जुभण - जंग,  
चक्काच्छंध सैनां सा' हुयगी,  
खुद किरसण भी हुयग्यो दंग ।

११०.

ले आस अेक वढ़ र्यो आगै,  
लागै जठै लड़तो अरजन,  
ओर कीं सूं की लेणी नीं,  
बस आंख तकै कठै अरसन ?



१११.

वस वाधावां नै टाळै हो  
औरां सूं हो नीं की करणो,  
मौत वाण में थाम परो,  
दूँडै हो अरजन नै करणो ।

११२.

च्यारां नै जिंदा राखण रा,  
जद कुंती वचन भरा-लीन्या,  
रजपूती आण राखण ताई,  
तद प्राण-दान वां नै दीन्या ।

११३.

फूली नास्यां, तणगी आंख्यां,  
रोम-रोम ई वण्यो निसाण,  
जंग में ध्यान अक ही मन में,  
कद मारुं अरजन रै वाण ?

११४.

चतराई किरसण जद राखी,  
लारै रथ, आगी हाथी,  
ओटां तक-तक अरजन लड़र्यो  
धावै नीं साम्हीं छाती ।

११५.

लड़तो - लड़तो अरजन हांप्यो,  
हाल हुया सिगळा वे हाल,  
रण - तासां सूं आभी कांप्यो,  
कंकाळी हुयगी विकराल ।

११६.

कवच - कुंडल रो वीर वणी,  
लड़तो किण नै धारै हो,  
अजीत रैयो जुध में हरदम  
करणै नै कुण मारै हो ?

११७.

लड़तो इस्यो चिमक नें लड़तो,  
सांसां नीं मा'ती सीनें में,  
पळका पळकाती तलवारां,  
मोती लखवाती पसीनें नें ।

११८.

रथ तोड़ दियो, मद तोड़ दियो,  
घायल अरजन नें कर दीन्यो,  
सूरज ज्यूं अम्बर में चमक्यो,  
करसों नाम अमर कीन्यो ।

११९,

करण नै मटियामेट करण,  
पाण्डू-किरसण रळ छळ कीन्यो,  
कवच - कुण्डल खोसण ताई,  
इन्दर नै बुलवा लीन्यो ।

१२०.

इंदर नै भो चित्या लागी,  
काळ आयग्यो वेटै रो,  
सुरग छोड़ इन्दर आयो,  
जद सुण्यो बुलावो वेटै रो ।

१२१.

घन्त, सूर-पूत वो सूरज रो,  
जग में ऊंचो तेरो आसण,  
टग-टग डग-धर इन्दर आयो,  
छोड़ सुरग रो सिंघासण ।

१२२.

भगवों भेख कर्यो इन्दर,  
करणें री पोळ्यां जा पूग्यो,  
धरती पर सुरग उतर आयो,  
ओ' आज किन्नें सूरज ऊग्यो ?

अक बूंद आंसू रो तरपण/ ६६

१२३.

वा'मण वणियोड़ी देवराज,  
दानी री मै'मा जा - गाई,  
वजर - दण्ड साम्हणियो भुकियो,  
करणां लखग्यो चतराई ।

१२४.

करणां घणां हरख्यो मन में,  
धम्म-धन्न म्हारा भाग आज,  
म्हारी मीत खरोदण देखो,  
करै याचना देव - राज ।

१२५.

दरवाजै देख्यो देव - राज,  
हिवड़ै में हरख नहीं मायो,  
सिगळा काम विचाळै छोड़्या,  
साम्हां - पग दोड़्यां आयो ।

१२६.

मनवार करी, 'दोलो प्रभु'  
मन में के वात बताओ थे,  
जो हुकम हुवै, करद्यूं हाजर,  
ल्याऊं, जो मंगवावो थे ।



१२७.

मांगो थे, तो धन दे द्युं,  
दे द्युं दूधाळी गायां नें,  
सिर - ताज धरूं म्हारो थां रै,  
भारूं ठोकर सब माया रै ।

१२८.

'परां' रो पक्को रजपूती म्है,  
हाजर करूं, जो मन भावै,  
थां री राखी लाज रैवै,  
जाचक खाली ना जा पावै ।

१२९.

भेद भर्यो वोल्यो इन्दर,  
ले राज, म्हनी है के करणो ?  
विप्र वोल दै वात अक,  
जै आज वचन देवै करणो ।

१३०.

वोल्यो करण नीं सोच करणो,  
मन-मांग्यो चावो थे आच्छो,  
सूरज - पूत थानै कैवै,  
नीं फिरुं वचन सूं म्है पाच्छो ।

१३१.

बोल्थो इन्दर, वेटा, मांगू,  
नीं दीलत टैम वितावण नै,  
कुण्डल पूजा में दै थारा,  
दै कवच थारो विद्यावण नै ।

१३२.

देणो नीं चावै, नटज्या तू,  
के हुयो वचन जो टळ ज्यासी,  
मत सोच करी मन में करणा,  
जाचक तू ही मुड़ ज्यासी ।

१३३.

नीं कदै काळ सूं करण डरै,  
पळकै सूं फूस बळै कोनी,  
वयूँ सोच करो थे देवराज,  
वचनां सूं करण टळै कोनी ।

१३४.

मेरै मिटणें मूँ थे जोवो,  
मंगता बण, मीत नें ले ज्यावो,  
टावर वां सिरखो म्हें भी हूं,  
न्याय कियां थे कर पावो ?

१३५.

खड़ग काढ भट तोड़, दिया,  
कुण्डल दोन्नं वो कानां सूं,  
खरळाटा वैयग्या लोही रा,  
पण कवच उतार्यो वाना ज्यूं ।

१३६.

इन्दर री आख्यां मेह बरस्यो,  
पाछी काया कंचन कर दी,  
जुध में अरु वीर मारण,  
हाथ 'अमोघ-शक्ति' धर दी ।

१३७.

ले कवच-कुण्डल वो' चाल पड़्यो,  
जूवै में हार्यै जुआरी ज्यूं,  
डो'ल गयो, पण बचन रह्या,  
करणों सोच करै हो क्यूं ?

१३८.

कौरवां नै सै भांडै है,  
सुयोधन नै दुर्योधन कै,  
पण, मेरी मौत रा जाळ रच्या,  
भरजन नै दुरजन कुणसो कै ?

१३९.

लड़्यो इन्दर नैं दान देय,  
जुध में मतवाळी जोधें ज्यूं,  
विन कुण्डळ इसड़ो लागें हो,  
सीग हट्योड़ें गोधें ज्यूं।

१४०.

वीर पुरुष इससो अकरो,  
लख दाद है उंगरी छाती नैं,  
मार इसी अवढी मारी,  
ज्यूं सिंघ, मारै हाथी नैं।

१४१.

घाप्योड़ो किरसण कर्यो बखाण,  
चैरो अरजन रो तण्यो,  
पण, यादव - राज रै हिड़दै में,  
करणे रो रूतवो वढ़ग्यो ।

१४२.

तेरै सिरखो वीर करण,  
धरणी पै पैलो आयो है,  
घन्त तूँ-तेरी जामणआळी,  
के खाय तन्नें वा जायो है ।

अक बूंद आंसू रो तरपण / ७६



१४३.

लाग्या बाणां रा सरणाटा,  
वीरां रा गोडा टिकग्या,  
सारथि किरसण खुद हांफ गया,  
रथ अरजन रा पाछा फिरग्या ।

१४४.

लड़तो-लड़तो बढ़ग्यो आगी,  
रथ कादै में उए रो फंसग्यो,  
सूरज नै लाग्यो गैए जियां,  
चढ़यै ऊंट काळो डसग्यो ।

१४५.

धर हथियार ज्युं ही-उत्तुर्यो,  
रथ काढण नें धरती पै,  
वस, उणीं टैम अरजन मार्यो,  
खींच वाण, छाती-पै ।

१४६.

तडफ, वीर धरती पसर्यो,  
रथ में ई रैयग्यी रास धरी,  
आज धरम रा ठेकैदारां,  
देखो, धरम री लहास करी ।

१४७.

सूरज रात-सी कर दीनी,  
कुरुक्षेत्र में दिन धोळै,  
स्यापो छाग्यो, आभो काळो,  
गूंगा हुया सै कुरा बोलै ।

१४८.

टैम - निसरणी चढ़तो - चढ़तो,  
खट्यो छैकड़लै गातां सू,  
रेण में आज खप्यो देखो,  
भाई, भाई रै हाथां सू ।

१४९.

घरती पर पसर्यो जद करणो,  
किरसण न्हाव्यो सिसकारो,  
सै वीर मार दिया दे धोखो,  
पण 'भाई' धोखै सूं क्यो मार्यो ?

१५०.

अव घरती पर मांगणियां री,  
ज्यान-जेवड़ी कुरण थामैलो ?  
हुयगी अनाथ आज घरती,  
दानी इस्यो नहीं जामैलो ।

१५१.

म्है हाथां सूं काट्यो दरखत,  
आ' बात आज तू अरजन सुणा,  
दानी खूट्यो इण धरतीं सूं,  
बिन सोच्यां दान करेलो कुण?

१५२. १२

अरजन वोल्यो रीसां बळतो,  
मित्त-भूठी बात बणाओ थे,  
दानवीर म्है जद मानू'लो,  
आख्यां सूं म्हने दिखावो थे ।

१५३.

रण, गाभा दोन्युं चोड़िया, १।  
भगवा भेख वणाया हा; २।  
सूरज रो तेज कित्तो अकरो,  
आ' परख करण नें आयाःहा । ३।

१५४.

घोयलें करणें जद टेर सुणो,  
आह्यां में पाणी भर आयो,  
'पणे' आज म्हारलो वयो हटे,  
अंतें समय अवढो आयो ।

अेक घूंद आंस् रोंतरपण / ८५

१५५.

पिच्छम-दिस रै मांय कियां,  
हाय ! आज सूरज ऊगै,  
म्हैं देद्यूं मुंहडै सूं दांत तोड़,  
पण, हाथ कियां म्हारो पूगै ?

१५६.

अवढ़ै टैम री परख घड़ी,  
मन में ही धोखो रैय जासी,  
टैम छेवटली 'पण' दूट्यां.  
सूरज रै काळख आ जासी ।

१५७.

दिख्यो नीं कोई ओर जोर,  
भाटै पर पटक्यो खट मुंहडो,  
पण, जाचक नाड़ हिला दीनी,  
ओ भूठो दान रैवै भूंडो ।

१५८.

धरती रो छाती पै मार्यो वाण,  
करणो दातां नैं भींच परो,  
सूरज डील लुका लीन्यो,  
बादळ में आंख्यां मींच परो ।



१५९.

धरा फोड़ गंगा निकली,  
सोनो जूठो हो, धोनाख्यो,  
नीं सोच करयो कीं तड़फण रो,  
दुःख पायो पण, 'पण' राख्यो ।

१६०.

आख्यां किरसण री भर आई,  
दुःखासूँ छती नें भीचें हो,  
करणो सूरज ज्युं चमकें हो,  
अरेजतारो मुंहडो नीचें हो ।

१६१.

'पण' पाळ्या पछें तूट्यो तारो,  
तेज मिळ्यो जा सूरज में,  
पळक बीजळी मेह वरस्यो,  
हूं आयो रोगो सूरज नें ।

१६२.

मार करण फिर्यो देखो,  
मद में ई, इतरातो अरजन,  
घात भीत रें कारण सूं,  
कांप रेंया अवतार किरसण ।

अेक वृंद आंसू रो तरपण / ८६

१६३.

मार करण देखो पाण्डू,  
रण-खेमा हरख मनावै हा,  
भाई - हाथ मरवा भाई,  
किरसण खुद पिछलावै हा ।

१६४.

छेद तीरा सूं भाई मार्यो,  
भाई नें खांध नहीं दीन्ही,  
रगां रो लोही कर धोळो,  
शाबासी कीकर लीन्ही ?

१६५.

सुयोधन छोड़्यो सँकारो,  
रोतां - रोतां आख्यां सूजी,  
मौभी - पूत री मौत सुणी,  
मुंहडो लुका कुंती कूकी ।

१६६.

कुण हो पापी, कुण हो धरमी ?  
चै'रां साम्हीं कुण ल्यावै दरपण,  
छेवट किरसण करण नै दीन्यो,  
अेक बूंद आंसू रो तरपण ।

अेक बूंद आंसू रो तरपण / ६१


## उत्कृष्ट प्रकाशन

वैरूपिया (राजस्थानी नाटक)	लक्ष्मी नारायण रंगा	१२.००
कोलाहल (काव्य)	माणक चन्द्र रामपुरिया	१८.००
स्मृति-श्लेष (काव्य)	माणक चन्द्र "	२०.००
कलायण (राजस्थानी काव्य)	नानूराम संस्कर्ता	१०.००
वचनिका अजलदास खीरिया री (राजस्थानी)	नरोत्तम दास स्वामी	५.००
राजस्थानी साहित्य : एक परिचय	नरोत्तम दास स्वामी	१२.००
अलमोजो भाग १ (राजस्थानी काव्य संकलन)	श्रीमंत कुमार व्यास	२४.००
" " "	" अजित्द	१४.००
चलती घबकी (उपन्यास)	द्वारका प्रसाद	१८.००
आप दोनो (गद्य)	जय प्रकाश	१०.००
ऑट हम (काव्य)	योगेन्द्र क्रिसलम	२०.००
माणकवंद की काव्य सर्जना (समीक्षा)	देवदत्त शर्मा	४५.००
रफ़ालिंग (काव्य)	माणक चन्द्र	१०.००
श्लेष साह्य का निव्वाह (गद्य)	बुज नारायण	८.००
जमती बर्फ़ खोलता छून (काव्य)	रणजीत	१२.००
घकील साह्य (गद्य)	बुज नारायण	५.००
मानस अन्वयाक्षरी	शिंदरतन	१८.००
"	" अजित्द	८.००
अज्ञीशावा की कहानी (बाल कथा)	गोपीचन्द्र	१२.००
अवदान (काव्य)	माणक चन्द्र	२०.००
श्रम चन्दन	रामपुरिया मा. च.	२.५०
सूतघाट	रामपुरिया मा. च.	२.५०

**नवयुग ग्रन्थ कुटीर**  
 प्रकाशक एवं पुस्तक विक्रेता  
 बीकानेर : राजस्थान







### सत्य दीप

आकाशवाणी एवं विविध पत्र-पत्रिकाओं में अनेकों  
वाट प्रसारित प्रकाशित । 'एक बूंद आँसू रो तरपण'  
प्रथम प्रकाशित कृति । 'थोर टा कांटा' कहानी  
संग्रह व 'मादा कबूतर' कविता-संग्रह प्रकाशनाधीन ।  
सम्प्रति राज्य सेवा में कार्यरत ।  
अनेकों संस्थाओं से जुड़े हुए एवं मंथीय कवि ।